

三才廣志

廣志卷之八百七十

裘

要語

說文皮衣也古文求本作求象衣表形或作裘
从衣求声一曰象形與裘同意今文省作裘徐
曰獸皮毛作之以助女工也

身章舉要裘皮衣也君子狐青裘而豹褰玄綃
衣以裼之麕裘青獬褕衣以裼之羔裘豹飾
緇衣以裼之狐裘黃衣以裼之雉君衣狐白裘
錦衣以裼之錦衣狐裘諸侯之服也裘之裼也
見美也吊則不襲不畫飾也君在則裼畫飾也
褻裳私居之服也狐貉皮為之惟取其溫故長
於他裘便於作事故短其右袂童子不裘為傷

也

周禮司裘掌為大裘以共王祀天之服

大裘王羔裘以祀

中秋獻良裘王乃行羽

物良善也良裘王所服也

季秋獻公裘

以待頒賜又曰裳厥裘飾皮車凡邦之皮車

掌之歲終則會唯王之裘與其皮事不會司服

祀昊天上帝則服大裘而冕又曰郊祀裘冕二

人執戈送逆尸從車

記曰童子不衣裘裳

曾子襲裘而吊子游揚裘而吊曾子指子游而

示人曰夫夫也為習於礼者如之何其揚裘而

吊也主人既小歛祖括髮子游趨而出襲裘帶

經而入曾子曰我過矣我過矣夫夫是也

夫子曰始死羔裘玄冠也易之而已羔裘玄冠

不以吊練鹿裘衡長祛祛褊之可也

晏子一狐裘三十年月令孟冬始裘

內則男子二十而冠可以衣裘帛

王藻惟君黼裘以誓省大裘非古也君衣狐白

裘錦衣以褊之君之右虎裘厥左狼裘士不衣

狐自君子狐青裘豹裘玄綃衣以褊之麕裘青

貉裏紵衣以褊之羔裘豹裘緇衣以褊之狐裘

黃衣以褊之錦衣狐裘諸侯之服也犬羊之裘

不褊不文飾也不褊裘之褊也見羔也服之襲

也充美也吊則襲不畫飾也君在則褊畫飾也

無事則褊弗敢充也童子不裘不帛札不盛服

不充故大裘不褊

學記曰良治之子必學為裘

喪犬記吊者襲裘加武帶經與主人拾踊

詩羔羊曰羔羊之皮素絲五紵羔羊之革素絲
五紵羔羊之縫素絲五總旒立責衛伯也狐裘
蒙戎匪車不東羔裘制朝也羔裘如濡洵直
且侯羔裘豹飾孔武有力羔裘晏兮三英粲兮
昔羔裘刺時也羔裘豹祛自我人居居羔裘求
豹展自我人究究蒹葭曰君子至止錦衣狐裘
羔裘曰羔裘逍遙狐裘以朝羔裘翱翔狐裘在堂
羔裘如膏日出有曜龜七月一之取狐彼狸為
公子裘都人士曰彼都人士狐裘黃黃大東曰
舟人之子熊罷是裘

家語大裘以黼之

論語曰羔裘玄冠不以吊緇衣羔裘素衣麕裘

黃衣狐裘裘長短右袂狐貉之厚以居又曰
公西華乘肥馬衣輕裘又曰衣敝緼袍與衣狐
貉者立而不耻者其由也歟子路曰願車馬衣
輕裘

荀子曰若絮求領誦五指而頌之者頌不可勝
數也

淮南子曰夏之不被其非愛之也燠者餘於適
也冬之不用其非闇之也清有餘於適也

左傳曰東郭書皙憤而狸製又曰臧之狐敗我
於狐貉又曰蔡昭侯如楚持羔裘二又曰渾良
夫紫衣狐裘

列子曰榮啓期被帶索林類底春被裘拾遺摠
又曰北國之人韞巾而裘中國之人冠冕而裘

大裘而見

周禮司裘掌為大裘以共王祀天之服司服祀昊天上帝則大裘而見祀五帝亦而之弁師掌王之五見皆玄冕朱裏延組

節服氏郊祀裘冕二人執戈送逆尸從軍

禮記玉藻曰唯君有黼裘以誓省大裘非古也

禮不盛服不充故大裘不裼乘路車不式

家語大裘以黼之既至泰壇王脫裘服裘以臨

藩紫著大裘象天

鄭志大裘之上又有衣梁丘經博士陸璣等大裘之志宜以黑繒為之其制式如裘其裳以纁皆無文繡冕則無旒隋始詔虞世基等憲章古制定輿乘服合八等按周禮大裘之見無旒其

服羔裘也

準禮圖以羔止黑者為之取同也繒以為領其
裳用纁而無章飾絳鞅赤舄祀圓丘感帝封禪
五郊明堂雩祀皆服之令文大裘見無旒冕廣
八寸長一尺六寸金飾玉簪導以組為纁色如
其紵裘以黑羔皮為之黑領襍緣朱裳

周官司裘裘掌為大裘以共王祀天之服司服
祀昊天上帝則服大裘而冕祀五帝亦如之亨
先王則裘冕冕

禮記曰郊之祭王被裘以象天見藻十有二旒
則天数也

鄭司農曰大裘黑玄裘服以祀天示質也然則
合周官禮記而言之王之祀天內服大裘外被

龍衮龍袞所以襲大裘也

記曰裘之裼也見美也服之襲也充美也禮不盛服不充故大裘不裼則襲衮可知也議者以司裘言大裘祀天而不及衮司服言大裘而見祀昊天上帝在衮見之上又鄴服氏衮見六人維王之太帝裘見二人執戈送逆尸是衮見與裘見不同謂之大裘而見則不加衮矣是不知先王祀天以冬至之日為正而裘又服之本也故取大裘以名之猶之朝服緇衣羔裘而詩獨稱羔裘如濡羔裘豹袂羔裘逍遙燕服玄端裼服黃衣皆狐裘而詩獨稱狐裘以朝狐裘蒙茸狐裘黃黃則裘之上未嘗無衣也裘之上未嘗無衣而衣之下有不用裘故屨人曰九四時之

祭祀以宜服之則凡春夏秋冬祀不必服裘所以適時之宜而已

月令孟冬天子始裘然則先儒謂服大裘以祭地底亦非由是覓之裘冕以爲太常者不必有裘裘冕以送逆戶者必有衣也

記曰尸襲而不褻送逆尸者象之則裘冕加裘又可知也古者犬羊之裘不褻必襲之也裘裘不入公門必褻之也是裘有褻之而不襲有襲之而不褻未有裘之而不褻襲者則徒服大裘而無襲非無意也

語曰襲裘長則凡行礼之裘短矣果徒長大裘而加長焉其與襲裘奚異哉

黼裘

周禮獻皮以掌皮攻皮以裘氏獻裘以司裘司裘
為大裘以共王祀天之服中秋獻良裘季秋獻
功裘

鄭氏曰良裘因其良時而用之所謂黼裘與功
裘人功微粗謂狐青麋裘之屬黼裘以羔為狐
白雜為黼文然則良裘其實羔功裘其功多良
裘非特黼裘而功裘非特狐青麋裘古者行禮
之裘必以羔與麋燕居之裘必以狐與貉故詩
以羔裘逍遙狐裘以朝刺不自強於政治則黼
不雜以狐白矣惟君黼裘以誓首後世以用大
裘故記者譏之曰非古也何則祀天尚道故以
大裘誓首尚義故以黼裘誓則前期十日大宰

帥執事卜曰遂戒是也省則前祭一日太宰及
執事祗滌濯宗伯大祭祀省牲祗滌濯是也司
冠大祭祀納亨前王郊特牲上之日王立于澤
親聽誓命王則於是省皆與之也先王制禮重
於既薦葵貴於未將則禮常嚴於未然之前
祭祀治官以治之刑官以泣之則義常肅於行
之祭則黼裘以誓省宜矣家語合大裘黼裘為
一則曰大裘黼之以象天鄭氏改省為黼則曰
黼裘以誓黼田然大裘紀色無白黑之文黼田
在秋非用裘之日二者之說誤矣

羔裘

周禮王大裘以祀天諸侯羔裘以朝先儒皆曰羔取其有禮群而不黨取其合道以道行礼以礼成道固先王之所尚也然大裘尚質羔裘有文

詩曰羔羊之皮素絲五紵羔羊之縫素絲五總

毛氏曰古者素絲以英裘紵總數也

爾雅曰絨縫也孫炎曰絨界也蓋羔裘以素絲為組施於縫中以為英飾其界有絨有殺有縫其別為紵其聚為總而又飾之以豹此所以與大裘異也羔裘豹飾狐青裘豹褰麋裘麋青褰何也豹取其武而有文青麋取其仁而能守武

而有文諸侯視朝之事也仁而能守天子視朝之事也狐青以燕居褻亦以豹則武而有文亦非燕居之所忘也

詩曰羔裘豹飾孔武有力又曰羔裘豹祛自我人居居其託物同而意異者義德一也善用之則為武不善用之則為暴夫豈一端而已哉先儒謂凡裘天子諸侯用全其臣則褻飾異焉然天子諸侯之用全特狐白裘而已欲裘純白之備也至於麕裘羔裘則上下之所同非無飾也若曰裘以周全為貴則狐黃裘無異裘犬羊之裘無異飾而賤者或服之何耶

麋裘

爾雅曰鹿牡麋牝麋其子麋即麕也

詩曰呦呦鹿鳴食野之苹又曰鹿斯之奔維足
伎伎則鹿之為物善接其類而麋尤出於天性
故先生取焉

玉藻曰麋裘青黼褰絞衣以褻之

孔子曰素衣麋裘

鄭氏釋聘禮曰麋裘皮弁然則皮弁擯素而麋
裘素衣以褻之則絞衣素衣也釋禮記又曰絞
蒼黃之色其說無據

記曰裘之褻也見美也服衣襲也充美也則袒
而見裘曰褻揜而充裘曰襲表衣麋裘則麕裘
之上素衣其正服也緇衣羔裘則羔裘之上緇

衣其正服也黃衣狐裘錦衣狐裘蓋亦若
鄭氏崔灵思之徒以為袒而有衣曰褻若然裘
之上有褻衣褻衣之上又有正服則是褻襲在
衣不在裘而經言褻裘褻裘何耶

檀弓曰練練黃衣裏絳緣鹿裘衡長祛祛褻之
可也其褻之也亦褻受服以見鹿裘之美而已
鄭氏曰鹿裘之褻亦用絃乎是鄭氏亦自疑而
不必其說也

詩曰衣錦上裘蓋惟錦加綢以惡文著餘衣固
不然也昔衛侯戒渾良夫食良夫紫衣狐裘至
袒裘而食則所袒者紫衣耳抑未聞紫衣之外
復有衣也

鹿裘

禮記練鹿裘衡長祛祛褊之可也

列子曰孔子見榮啓期行乎郕之野鹿裘素帶
啓期之復固不足論練用鹿裘何也禮始喪則
居廬自屏既練則可以接物鹿善接其類者也
故裘用焉

周禮既練乘藻車鹿淺禎與此同義鹿裘祛褊
之則褊其祛而已非若餘衣之袒也
鄭氏曰有祛而褊之備飾也鹿裘亦用絞乎理
不然也

狐白裘

玉藻曰君衣狐白裘錦衣以褫之諸侯之服特狐白裘而已欲其純白之備也

周官小臣掌正王之燕服位而不言所服則王之燕服豈特玄端而已哉此所以有狐白裘錦衣也

終南之詩言錦衣狐裘繼之以黻衣繡裳蓋始言燕服而繼以祭服也鄭康成以狐裘為行禮之服謂狐白之上衣皮弁與非詩論語之意也何則狐白所以象德之純故狐白錦衣為人君之服夫天下無粹白之狐而有粹白之裘則狐白裘天下之尤難得者也觀紂以狐白兔西伯因子方以狐白礼子思田文以狐白脫秦患則狐

白之貴可知矣士不衣狐白裘不特以其德之未成也蓋亦不敢以賤服貴歟古者所以貴不過狐白裘而已

晏子春秋景公時雨雪三日不霽公被狐白之坐堂側晏子入見公曰天不寒晏子曰古之賢君飽而知人飢溫而知人寒逸而知人勞也君不知也公乃令出裘發粟以與飢寒

狐青裘

玉藻曰君子狐青裘豹褰玄綃衣以褻之蓋士大夫之燕服也

黃衣狐裘

詩曰羔裘逍遙狐裘以朝又曰狐裘蒙茸匪車不東又曰取彼狐狸為公子裘又曰彼土人士狐裘黃黃

論語曰狐貉之厚以居又曰黃衣狐裘蓋狐善疑貉善腦疑斯或腦斯安燕息者之事也
王藻曰狐裘黃衣以褊之蜡與燕服也

犬羊裘

王藻曰犬羊之裘不褊不文飾也不褊注犬羊之裘庶人所服裘與人俱賤故不褊以為飾也

狸裘

詩曰取彼狐狸為公子裘

左傳曰 幘而狸製夫公子無豫於是而狸裘
東郭即戎而狸製則狸裘非礼服之裘則春秋
之時戎服亦以狐裘也

虎裘

虎裘戎士衛從之裘蓋人之手足右強於左獸
之勇擊虎過於狼故右虎裘則武士之衛君尤
手足之衛身也故士謂之虎士門謂之虎門旗
有熊虎之文車有虎臂之飾則友虎裘宜矣

狼裘

狼裘武士衛從之裘左狼裘右虎裘則武士之衛君手足之衛身也蓋君之所以制服人者不特恃夫道德之威而已則左狼右虎之裘宜矣爾雅曰狼牡獾牝其子獾舍人曰狼牡名獾牝名

說文曰狼似犬銳頭白頰高前廣後

陸機曰善為小兒啼

禮記曰有狼臄膏

表裘 襲裘

玉藻曰裘上必有裼衣表裘是無裼衣而裘在外也襲裘謂拊其襲衣而不露裼衣也皆為不敬故不入公門

熊裘羆裘

周禮穴氏掌攻猛獸各以其物大之以時獻其珍異皮革故取熊羆之皮為裘

鄭氏曰蟄獸熊羆之屬冬藏者

爾雅曰羆如熊黃白

詩曰舟人之子熊羆是裘則熊羆亦裘之美者也

青鳳裘

青鳳裘周穆王以青鳳尾為人裘以禦寒也

黑貂裘

史記蘇秦說相李兌兌遺以黑貂裘

雉頭裘

太醫司馬程據上雉頭裘非裘服也晉武帝以
損費功用於殿前焚

鷩鷩裘

司馬相如與文君還成都所服鷩鷩裘

鷮鷮裘

世說云王恭常乘高輿披鷮鷮裘

玄狐裘

西城高昌太宗即位獻玄狐裘

襲裘

論語孔子曰襲裘長短右袂以便於作事

羊裘

漢嚴子陵衣羊裘而釣

宋康定元年九月辛酉賜陝西軍士羊裘言者以塞上苦寒請以羊裘賜戰士一裘用五羊皮聽軍士自製

錦裘

錦裘曹操與楊彪

錯絲羅縠裘

漢曹操與楊脩母

貂裘

東平王蒼傳建初六年冬蒼上疏求胡明年正月帝許之帝以蒼帽涉寒露遣謁者賜貂裘

唐太宗親解貂裘賜常楚

唐建隆二年慕容延釗為山南東道節度是冬大寒遣中使賜以貂裘

乾德三年十一月命王全斌等蜀冬暮大雪上衣紫貂裘帽以視事謂左右曰我被服如此体尚覺寒西征將帥衝犯霜霰何以堪處即解裘帽遣中黃門馳驛賜全斌且諭旨諸將以不能備及也全斌感泣

吉光裘

漢天漢三年西國獻吉光裘

集翠裘

唐武則天時南海貢集翠裘后以賜張昌宗

白鷺裘

白鷺裘江東人取白鷺頸上毛為之或以紅鶴
問之

浮光裘

寶曆初南昌國進浮光進紫海水染其色以五
絲成龍鳳飾以五色真珠光絲搖動暴雨不
濡

鄭注粗裘——裳衣——出六帖

廣志卷之八百七十二

佩

說文玉之帶也

三禮圖凡玉珮上有雙衡衡長五寸博一寸下有雙璜璜徑三寸衡牙璜珠以納其間上下為衡半璧為璜璜中橫以衡牙以蒼珠為瑀天子佩白玉玄組綬諸侯佩山玄玉珠組綬大夫佩水蒼玉世子至士佩制亦然特玉與組之色不同

周官王府掌共王之佩玉

詩木瓜曰報之以瓊琚

瓊美玉琚佩玉也

瓊瑤瓊玖丘中有

麻曰貽我珮玖渭陽曰瓊瑰玉佩采芑曰服其命服有瑒葱珩大東曰韜韜佩璲公劉曰何以

舟之維玉及瑤

爾雅曰遂瑞也縫紼也佩衿謂之襍

玉藻曰將適公所既服習容觀玉声乃出揖私朝輝如也古之君子必佩玉右徵角左宮羽居不佩玉齊則續結佩而爵韞凡帶必有佩玉惟衆否佩玉有銜牙

經解曰行步則有珮之声

左傳曰佩褱之旗又李平子卒陽虎將以璆斂仲梁懷曰改步改玉年定五申叔儀曰佩玉藻兮

昭十

二年晉語曰白玉之珩六雙

楚曰語楚之白珩猶在乎

大戴禮曰下車之佩玉為度上有雙衡下有雙黃銜牙此珠以納其間啞隔以雜之

荀子賦篇璣玉璫珠帛知佩也

韓詩外傳曰阿谷之隧慶子珮璜天曰璜珠以納其間

古之君子必珮玉其制上有祈衡下有雙璜中有琚瑀下有衡牙貫之以組紵納之以璜珠而其色有白蒼赤之辨其声有角徵宮羽之應其象有仁智禮樂忠信道德之備或結或岳所以者屈伸之理或設或否所以適文質之儀此所以純固之德不內遷非僻之心無自入也蓋衡以平心璜以中其德琚瑀欲其有所安牙欲其有所制右徵角所以息事與民左宮羽所以象君與物趨以采齊行以肆夏所以比於樂周還中規折還中矩所以比於禮進則揖之於前退則

揚之於後則珮之爲物奚適而非道耶蓋民爲貴君爲輕事爲先物爲後能治民然後能安君能應事然後能生物此所以事與民在所右而物與君在所左也

春秋傳曰改步改玉則自天子至士步固不同而玉亦隨異故天子佩白玉公侯佩山玄玉大夫佩水蒼玉世事佩瑜玉士佩瑀瑀蓋玉之貴者莫如白賤者莫如瑀瑀山玄以象君德之靜水蒼以象臣職之動山玄水蒼其文也瑜與瑀其實也世子珮玉瑜則士矣士佩瑀矣士佩瑀則世子而上佩瑀矣瑀或作瑀以其多石故也瑀或作珉以其賤故也

後漢書古者君臣佩玉尊卑有差貴賤有殊佩

所以章德服之表也故禮有其度威儀之制三代同之五霸迭興戰兵不息佩非戰器於是解而去之荀其繁璲以爲章表今佩玉繁所制也晉天子佩白玉皇后同貴人夫人佩瑋玉淑妃佩采璵玉皇太子妃佩山玄玉群公侯縣公侯太夫人夫人佩水蒼玉

隋天子佩白玉紫司馬虎云君臣佩玉尊卑有序所以章德也今參用社鑒之法天子白玉太子瑜玉士山玄玉自公已下皆水蒼玉

唐天子佩因隋之

宋佩見革革帶與袞類

元天子白玉雙佩金飾貫珍珠金龍鳳革帶皇太子瑜玉雙佩肆采織成大綬間施玉環三三

獻官及司徒王佩五助祭諸執事官銅佩二百
國朝天子充冕佩玉長三尺三寸皮弁服白玉
佩束宮韋帶金鈎釧玉佩親王金鈎釧玉佩世
子韋帶佩白玉玄組綬

男子事佩

詩曰童子佩觿童子佩鞶瞻洛矣日韞琇有珌
內則日子事父母左佩紛悅刀礪小觿金燧右
佩玼璋管籥大觿木燧

玉藻曰居在不佩玉左結佩右設佩鄭氏曰世
子出所處而居在焉則去德而設事結其佩左
者若於事未有能也古者有德佩有事佩德佩
左右皆玉事佩左紛悅有玼捍之類左佩皆有
五右佩皆六以左陽而皆右陰而偶故也

佩刀

後漢書佩刀乘輿黃金通身貂錯半鮫魚鱗金漆錯雌黃室五色屬隱室華諸侯王黃金錯環挾半鮫黑室公卿百官皆純黑不半鮫小黃門雌黃室中黃門朱室童子皆虎爪文虎黃室虎文其將白虎文皆以白珠鮫烏鏤口之飾通俗文曰刀鋒曰鏤乘輿者如翡翠山紆纓其側佐傳曰藻綬鞞社預曰鞞鞞刀削上飾鞞下飾鄭玄詩箋曰既爵命賞賜而加賜容刀有飾顯其制斷也春秋繁露白劔之在左青龍之象也刀之在右白虎之象也鞞之在前朱鳥之象也冠之在首玄武之象也四者人之盛飾也臣昭案自天子至于庶人咸皆帶劍之於劍刀形

制不同名稱各異故蕭何劔履上殿不緣爲刀
而此志言不及劔如爲未備

王在結佩右設佩。按江云陽去聲子佩也出所處而
特不使與遂示也結其左者方於亦有去能也
爲是若果如非謂全去故取賀氏之說愚謂鄭義
王之訓也。鄭孔說左佩者釋不佩者王謂說事
佩者在亦在其中去佩日結其左者於事未
能居則設佩謂所處居不在

必

後

佩

元

丁

者

下相

六、

月令春服倉玉

注先所服之衛璜也

玉謂冠飾及所佩者

夏服赤玉中央服黃玉秋服白玉冬至元玉周

書玉佩解第六十五序曰王者德以飾躬用為

所佩作玉佩周書又曰

武王傳高得佩玉有八

詩鄭風女曰鷄鳴知子之來之雜佩以贈之知

子之順之雜佩以問之知子之好之雜佩以報

之注雜佩者珩璜琕衡牙之數有女同車將翺

將翺佩玉璆琕秦風渭陽何以贈之璆琕玉

佩小雅采芑有蒼葱珩注葱蒼也三命葱珩

大東韜韜佩璫篚以瑞玉為佩

漢杜欽傳佩玉屢鳴關雎歎之注李奇曰后天

人鷄鳴佩玉去君所周康玉后不然故詩人

歎而傷之臣贊曰此魯詩也

穆天子傳七華之士天子嘉之賜以左佩華注
玉華之佩佩之精者

左傳衣身之章也佩褭之旗也

楚白珩

楚語王孫圉聘於晉定公饗之趙簡子執鳴玉
以相問於王孫圉曰楚之白珩猶在乎注珩佩
玉上之寶者對曰然曰其爲寶也幾何矣

曰未常爲寶楚之所寶者曰觀射父能作訓辭
又有左史倚相能道訓典言以賢爲寶不以爲
寶又有數曰雲連徒洲云此楚國之寶也若

白珩先生之玩也何寶爲圉聞國之寶也六而
已聖能制議百物以輔相國家則寶之玉足以
庇廕嘉穀使無水旱之災則寶之龜足以憲臧

不則室之珎足以警火災金足以警兵亂山材
藪澤足以備財用則室之若夫諱器之美楚雖
蠻夷不能室也

禮象曰珎蓋天子之玉葱珎蓋卿大夫之玉左
傳蔡昭侯爲兩佩獻一佩於楚昭王

楚辭被明月佩寶璐

孟子諸侯之室三土地人民政事

孔子象環

禮記玉藻孔子佩象環五寸而綦組綬注謙不
比德亦不事也象有文理者也環可以循無窮
正義失魯寇故謙不復佩德佩事佩示己無德
事也象環者象己有文章文教循環無窮五寸
法五行言文章教成人如五行成物錢起有象

環賦

白虎通修道無窮即佩環

鹽鐵論子思子之銀佩美於虞公之垂棘

漢大佩衝牙 玉佩 金錯鈎佩 佩刀

佩劔見後

續志古者君臣佩玉尊卑有度上有執貴賤
有殊佩所以彰德服之象也較所以執事禮
之共也威儀之制三代同之五百迭興博兵
不息佩非戰器較非兵旌於是解去較佩而
其係璲以爲章表故詩曰黼黻佩璲秦乃以
采組連結於璲徐廣曰今名璲爲璲光明章
表轉相結受故謂之綬漢承秦制用而弗改
加以雙印佩刀之飾至孝明皇帝乃爲大佩

衡牙雙璫璜初學記引薰巴志云渠璜皆以

白玉乘與絡以白珠公卿諸侯之采繅其親

冕旒為祭服云

注月令章句曰佩上有雙璫以維之衡牙

璫珠以納其間

紀永平二年春正月辛未宗祀明堂玉佩約

屨以行事

徐廣曰明帝便制裁天子赤皮蔽

楊賜光和四年拜太常賜玉壺革帶金錯鈎

佩

後五行志注陳宣陳日車則和駕步則佩玉

動靜應天

雋不疑佩環璆之節

左雄言九卿大臣行有佩玉之節

玉藻正義凡佩玉必上繫於衡下垂三道穿

以璫珠下端前後以垂於璜中央下端垂於

銜則銜則動牙前後觸瑱而爲聲所觸之玉其形似故曰銜牙唐人有銜牙賦

晉志三夫人金章紫綬佩于寶玉九嬪銀印青綬佩永璫玉 潘岳西征賦飛翠綵拖鳴玉

魏玉佩

玉璫傳注摯虞陟疑要注曰漢末衆亂絕無玉佩

魏侍中王粲識舊佩始復作之今之玉佩受法於粲

隋志案禮天子佩白玉金參用杜夔之法天子白玉

太子瑜玉士山元玉自公已下皆水蒼玉
魏太子聞鍾繇有玉玦欲得之繇耶送之

晉賜王祥山元玉佩衛氏玉璆綬寄

采賁遂楹響聞繩戶褚元謝賜佩

宋紹興玉魚

隆興玉佩紹興三十年二月丙子皇子進封建

王先生是甲戌詔立為皇子三月丁未上謂宰輔

曰會要云王論朕波此計已九年建王所佩玉

魚乃置權場初買之洗是上日普安封真王僕

太子年五月甲子立為

隆興二年十月二十九日詔皇子鄧慶恭王大

禮朝祭服玉佩綬以真玉為之先是紹興三十

二年十月三日命文思院製

皇太子瑜玉雙佩見冕服類

奔白環佩 佩環

後漢馬融傳廣成頌納焦僈之珍羽受王母之白環注帝王紀曰舜時焦僈氏來貢其沒羽西王母慕舜之德來獻白環

文選景福殿賦納虞氏之白環注世本日舜時西王母獻白環及佩

一云獻白環玉映

瑞應圖曰黃帝時西王母使乘白鹿獻白環之休符舜時復來獻

宋志西王母舜時來獻白環白琯

子華子舜出則有鳶和動則有佩環環步趨中莖韶之節

拾遺錄顓帝時勒題圖獻黑王之環

周佩玉 服玉

周禮玉府上士二共王之服玉佩玉珠玉合

諸侯共珠盤王齊則共食玉注佩玉王所帶

者王藻曰天子佩白玉而元組綬詩傳曰佩

玉上有葱衡下有隻璜衡牙纈珠以納其間

鄭司農曰服玉冠飾十二玉三禮國上

一寸下有隻衡徑二寸繁盛軟血珠玉以爲

飾珠槃以盛牛耳血屍盟者執之

禮記玉藻一命緼韍幽衡再命赤韍幽衡三

命赤韍葱衡注衡佩古之君子必佩玉左微

角右宮羽中玉聲所趨以采薺音行以肆夏周

還中規折還中矩進則揖之退則揚之然後

玉鏘鳴也故君子在車則聞鳶和之聲行則

鳴佩玉是以非辟之心無自入也君在不佩

銜牙

玉藻曰佩玉有銜牙鄭氏謂牙居中央以爲前後觸皇氏謂銜居中央牙是兩端之璜然璜非牙也當從鄭說

琚瑀

說文曰珩佩上玉也璜半璧也琚佩玉名瑀琚石次玉也

詩曰報之以瓊琚又白佩玉瓊琚

大戴禮曰上有雙銜下有雙璜銜牙玼珠以訥其間琚瑀以雜之

毛氏詩曰雜佩者珩璜瑀銜牙之類則居中央而瑀爲之也

纂要曰琚瑀所以納間在玉之間今白也此

不可考

禮記曰行步有環佩之聲又孔子佩象環衛南
子環佩繆然魯昭公賜仲環而佩之年昭四年漢制綬
綬之間得施玉環鑄蓋古者佩玉有環矣

衡

詩曰有璫蔥衡

晉語曰白玉之衡六雙

楚語曰楚之白珩猶在乎

大戴禮曰上有雙衡

玉藻曰一命函衡再命函衡三命蔥衡

韋昭曰珩似磬而小

孔穎達曰佩玉上繫於衡下垂三道穿以纁珠
前後下瑞垂以璜中央下瑞垂以衡牙觀晉語

大戴禮皆言雙珩則珩雙設矣珩貴白而賤幽
綬貴玄而賤素方叔非正三命而佩葱衡者
孔穎達曰玉藻累一命而上於三命自三命以
至再命皆葱珩也以理或然何則方叔所乘者
路車所服者朱希則所佩者豈持三命之衡哉
爾雅曰青謂之葱

褱

爾雅曰衿謂之存佩衿謂之褱則衿衣之小帶
也褱佩之衿也鄭氏謂凡佩繫於革帶則繫於
革帶者褱也

璜

內倍好謂之璧半璧謂之璜
韓詩外傳曰阿谷之女佩璜

大戴禮曰下有雙璜璜琚前後而牙衡之然也
有宮角徵羽之音

玼珠

玉府共王之服玉佩玉珠玉

大戴禮曰玼珠以納其間

韓詩傳亦曰蠙珠以納其間蠙者蚌也玼即蠙也

荀卿賦曰佩玉瑤珠弗知佩也謂之瑤珠則以玉爲珠非蚌珠也謂之蠙珠蓋其狀若蚌珠然

象環

爾雅曰肉好若一謂之環

玉藻曰天子佩象環五寸而綦組紃

家語稱孔子之袞公西赤掌殯葬焉襲木十一
稱佩象環而綦組紱夫孔子其服也卿其免也
後衆以爲大夫也不敢舍車而徒以無臣也不
敢爲有臣而葬然佩不以大夫之水蒼玉而以
象紱不以大夫之記而以綦者孔子制行有後
衆者有違衆者要適於義而已考之於禮象次
於玉象路以玉路象笏次玉笏綦下於純則象
環綦紱聖人之謙

紛悅

詩曰無感我悅兮

內則曰女子設悅於門右昏禮毋施衿設悅內
服後之衆共內具之物

鄭氏曰內具紛悅之屬然則悅佩中也佩中難

女子之事而男子亦有之

禮曰子事父母左佩紛悅鄭氏曰紛悅拭物之巾也今齊人有言紛者蓋自巾言之謂之紛與紛同義自拭物言之謂之悅與挽同義唐制天子紛廣二寸四分長六尺四寸色如綬辟臣進賢冠者紛廣四寸長六尺六寸色如綬此又因以爲飾者也

礪

禮曰左佩刀礪

詩曰取厲取鋟

書曰礪砥礪丹又曰若金用汝作礪

漢書曰泰山若礪又曰城功玄厲

莊子曰新發於劍

鄭氏曰礪礪也則礪謂之礪亦謂之礪又謂之礪

孔安國曰礪細於礪

帊

帊即帨巾之類今爲手籍

紅帊見兵類

絳帊道士于吉立精舍讀道書作符治病孫策
曰昔張津爲交州刺史常著絳帊鼓琴燒香
讀道書卒爲南夷所殺此甚無益此子已在
鬼錄即今斬之出吳江表傳

秋雲帕賈知微遇魯城夫人杜蘭香以秋雲羅
帕裹丹五十粒與生曰此羅是織女採玉璫
織成後大雷雨失帕所在

香羅帕銀鞍却覆香羅帕見杜詩

黃布帕宋閔康之隱居顏延年等候之見散髮披黃布帕席松葉枕白石卧咨嗟而退不敢散之去也

錦帕秘省閣書表以牙籤覆以錦帕令三吳所織錦帕甚佳其制不一花樣亦多品

蛟綃帕

文羅手藉見飛燕外傳

吳綾手巾以吳綾爲見夏竦事

帟婦人之巾

銀花手帕出裕州似御羅而精緻

御羅帕出北地以阜絲織成

白綾帕出湖州

幪女人衣巾

鵽

禮曰子事父母婦事舅姑左佩小鐙右佩大鐙
詩曰童子佩鐙毛氏曰鵽所以解結

鄭氏曰鵽貌如錐或以象或以角爲之

說文曰鵽佩角銳端可以解結然則佩鐙成人
之服也衛惠公服成人之服而有童子之行故
詩刺之

鞞

鞞香極一物而三名以朱帛爲之

詩曰

童子佩鞞毛氏曰鞞珎也

鄭氏曰韞之言脊也

說文韞亦作韞名射決也考之射禮右巨栢着決所以約弦食指中指無指着脊所以放弦左臂着拾所以遂弦

士喪禮決國正王棘若擇棘則大夫用骨天子諸侯用象矣大射朱極三士喪續極二則韞生者以韞死者以續矣韞謂之極以其中於指也謂之脊以其脊於指也毛氏許慎以韞爲決誤矣

捍

禮曰右佩玦捍捍韞臂也以韞爲之可以捍弦亦謂之拾亦謂之遂則捍拾遂一物而二名餘見射門

組綬

說文綬屬小者以爲冕纓从系且声

詩詁云組間次五采爲之內則組紃注疏薄闇爲組似繩者爲紃音巡

古者佩玉有韍五代戰兵解去紃佩晉其係遂徐廣曰今名璲爲緹秦以系組連結於璲轉相結綬故謂之綬漢加官印緹長三尺二寸與綬同系而首紃之佩綬相迎受故曰緹紫綬以上緹綬之間得施玉環鐕

玉藻曰天子佩白玉而玄組綬諸侯佩山玄玉而珠組綬大夫佩水蒼玉而純組綬世子佩瑜玉而綦組綬士佩瑊玕玉而緼組綬

詩曰青青子佩毛氏曰士佩瑊玕玉而青組綬

爾雅曰璲瑞也璲綬也

漢志曰純者佩綬也然則組綬之佩謂之綬以其貫玉相丞受也謂之璲以其貫璲玉也謂之綬以其貫玉相迎也其飾天子玄諸侯朱大夫佗世子綦士韞玄者道也朱者事也蒼白者德之雜亦黃者事之雜純則素而以此天子至士佩綬之辨也鄭氏以大夫純綬爲緇綬毛氏以青爲士佩豈其所傳者異歟禮紳鞶結三齊特佩綬之長無所經見漢制貴者綬長三尺二寸卑者綬長三尺古者之佩蓋亦類此然秦以采組縛結於璲光明章表轉相結綬故謂之綬漢承秦制加之以雙印佩刀之飾天子黃赤綬四采黃赤緋縹淳黃圭長九尺九寸五百首諸

侯王赤綬四采赤黃縹緋純赤圭長二丈一尺
三百首諸國貴人相國皆綠綬三采綠紫緋淳
綠圭長二丈一尺二百四十首公侯將軍紫綬
二采紫白淳紫圭長丈七尺百八十首九卿中
二千石一千石青綬三采青白紅淳青圭長丈
七尺百二十首千旦六百石黑綬三采青赤緋
淳青圭長丈六尺八十首四百石三百尺長同
四百石三百石二百石黃綬淳黃圭一采合車
訪爲一系四系爲一扶五扶爲一首五首成一
文文采淳爲一圭首多者系細少者系粗皆廣
尺六寸唐制天子白玉雙佩黑組大雙綬黑質
黑黃赤白縹綠爲純廣一尺長二丈四尺五百
首紛廣二寸四分長六尺四寸色如綬又有小

雙綬長二尺六寸色如大綬而首半之皇太子
瑜玉雙佩綬朱組雙大綬朱質赤白縹紺烏純
長一丈八尺廣九寸三百二十首紛長六尺四
寸廣二寸四分色如大綬群臣一品衮冕山玄
玉佩綠綬綬綠質綠紫黃赤色烏純長一尺八
尺廣九寸二百四十首二品驚冕佩水蒼玉紫
綬紫質紫黃赤烏純長一丈六尺廣八寸一百
八十首三品毳冕紫綬如二品自三品以下皆
青綬青質青白紅烏純長一丈四尺廣七寸一
百四十首五品玄冕黑綬紺質青紺烏純長一
丈二尺廣六寸一百二十首進賢冠紛長六尺
四寸廣四寸色如其綬遠游冠纁朱綬朱質赤
黃縹紺烏純長一丈八尺廣九寸二百四十首

然大綬之餘於古無有特後世之制也

太宗雍熙元年南郊後內出以賜近臣由是內
外升朝文武官皆佩魚凡服紫者飾以金服緋
者飾以銀廷賜紫則給金塗銀者賜緋一有特
給者京官幕職州縣官賜緋紫者亦佩親王武
官內職將校皆不佩貞宗大中祥符六年詔伎
術官未升朝賜緋紫
者不得佩魚袋

仁宗天聖二年翰林待詔太子中舍同正王文
度因勒碑賜紫章服以舊佩銀魚請佩金魚仁
宗曰先朝不許伎術人輒佩魚以別士類不令
混淆宜却其請

景祐三年詔殿中省尚樂奉御賜紫徐安仁特
許佩魚

至和元年詔書中提點五房公事自今雖無出身亦聽佩魚舊制自選人入爲堂後官轉至五房提點始得佩魚提點五房呂惟和非選人入援司天監五官正例求佩魚特許之

神宗元豐二年蒲宗孟除翰林學士神宗曰學士戢清地近非他官比而官儀未寵自今宜加佩魚遂著爲令三年詔自今中書堂後官並賜緋魚袋餘依旧例

政和元年尚書兵部侍郎王詔書今監守司倅等並許借服色而不許佩魚即有是服而無章殆與吏無別乞今後應借緋紫臣僚並許隨服色佩魚仍各許入御候回日依舊服色從之中興並仍舊制

魚袋

實錄曰三代時以帶爲之謂之筭袋魏時易之爲龜袋

唐高宗給五品以上隨身銀魚袋以防召命之詐出內必合之三品以上金飾袋都督刺史始賜魚天授二年改佩魚皆爲龜其後三品以上龜袋飾以金四品以銀五品以銅

中宗初罷龜袋復給以魚群王嗣王赤服金魚袋景龍中令特進佩魚散官佩魚自此始也然負外試檢校官猶不佩魚景雲中詔者魚袋以金飾之衣緋者以銀飾之開元初駙馬都尉從五品者假紫金魚袋都督刺史品卑者假緋魚袋五品以上檢校試判官皆佩魚中書令張嘉

貞奏致仕者佩魚終身自是百官貴賞緋紫必
兼魚謂之章服當時服朱紫魚者衆矣

次轂子魚袋古之美袋魏文帝易以龜取其
先知歸順之義唐改以魚袋取其合魚符之
義自一品至六品以下皆佩唐初卿大夫殯
追取魚袋永徽中勅生平在官用烏囊飾亡
沒追不收情所不忍五品以下亡殯隨身魚袋

宋志魚袋其製自唐始蓋以爲符契也其始曰
魚符左一右一左者進右者隨身刻官姓名
出入合之因盛以袋故曰魚袋宋國之其制以
金銀飾爲魚形公服則繫於帶而垂於後以明
貴賤非復如唐之符契也

金書袋之制大定十六年世宗以吏員與士民

之服無別潛入民間受賕鬻獄有司不能檢察遂定玄書袋之制省樞密院令譯史用紫紵絲爲之臺六步宗正統軍司檢察司以黑斜皮爲之寺監隨朝諸局并州縣並黃皮爲之各長七寸闊二寸厚半寸並於束帶上懸帶公退則懸於便服違者所司糾之

牙牌

牙牌以象牙爲之書官銜於其上京官則佩之繫以青組以代魚袋元制至

本朝尤加文飾惟在京常朝官佩列官御於上出京則納

紹興十五年十一月庚午朔初置節度使已下象牙牌其法自節鉞正任至權行遙辟第其官

資書之于牌御書押字刻金填之仍合同製造
一留禁中一降付都督府相臣主其事緩急臨
敵果有建立長勲之人是力勞先給賜以爲執
自軍興以來皆宣換使便宜給劉補轉至是都
省有此請則牙牌之設本於此

還

禮曰右佩還還刀鞞也瞻彼洛以

詩曰鞞琫有珌

公劉詩曰鞞琫容刀

左傳曰藻率鞞韜昭其數也

毛氏釋瞻彼洛以日鞞刀鞞也琫上飾珌下飾
天子玉捧而珌珌諸侯璽琫而璆珌大夫鐻琫
而璆珌士璆琫而璆珌釋云公劉曰下日鞞上

曰琫

劉熙亦曰刀室刀削室口之飾曰琫琫捧也下
未之飾也琫琫卑也蓋琫琫琫琫皆刀削之飾而
琫尤在其下也犀謂之珧犀屬謂之珧黃金謂
之璫其美者謂之璫白金謂之銀其美者謂之
鐸此天子至志鞞飾所以不同也

杜預曰上飾曰鞞下飾曰鞞與毛氏劉氏之說
不同不可考也削遣皆刀室之異名削亦作鞞
鞞亦作鞞琫亦作鞞

金燧 木燧 鑒

古者燧人取火周官司烜氏掌以奉燧取明火
於日以鑒取明水於月以共祭祀之明齋明燭
共明水

內則曰左佩金鑊右佩木燧

考工記曰金鑊半謂之鑒燧之齊

淮南子曰陽燧見日則然而爲火方諸見月到
津而爲水

王充論衡曰陽燧取火於日方諸取水於月相
去甚遠而火至水來者氣感之也

鄭司農釋周禮謂夫發聲鄭康成謂夫遂陽遂
也鑒鏡屬世謂之方諸然則鑒金爲之則夫遂
亦金以內則以夫遂爲金遂是也鑒之體方則
夫遂圓以世謂鑒爲方諸是也蓋離者陽中之
陰於物爲火坎者陰中之陽於物爲水以金遂
取火則以陽召陰以諸取水則以陰召陽以陽
召陰夫道也故謂之夫夫能遂事故謂之遂夫

遂以義言鑒以体言於取火言夫遂於取水言鑒互相備也

高誘曰方諸陰燧大蛤也熟摩向月則水生以銅盤受之下水數石

觀漢之飲酎夕牲以鑒諸取水於月以陽燧取火於日

唐之李恭真嘗八九月中取蛤尺二寸試之得水數斗則取水亦以大蛤矣哉謂之方珠蓋其類也

莊子曰木與火相摩則然

文中子曰木中有火不鑽自發故四時變國火春取榆火夏取棗杏季夏取桑柘秋取柞櫟冬取槐檀而木燧取火蓋不必然先儒謂暗則取

火以金燧陰燧陰則取火以木燧然金燧明火
特施於致嚴之時而已則凡取火皆木燧耳孰
謂木燧有間於陰晴耶